

S ist garo ausgaleik kemmen der bando 2023 van konkurs organisiart van Bersntoler Kulturinstitut

# Kultur ont sproch en an konkurs: «Drai konkursn ver a sproch»



Bando

ver  
X 1<sup>a</sup>

Tre concorsi per una lingua

Drai konkursn ver a sproch

2023

**Schualer ont  
Student**

per scolari e studenti

**Filmer**

per prodotti audiovisivi

**Schrift**

per testi letterari  
e poetici

Il nuovo bando 2023 del Concorso "3XI Tre concorsi per una lingua - Drai konkursn ver a sproch" è stato pubblicato da poco. Il concorso è indetto dal Bersntoler Kulturinstitut con il sostegno della Regione Trentino-Südtirol con lo scopo di promuovere l'uso della lingua möchena. Quest'anno la sezione Filmer si arricchisce di una nuova sezione dedicata ad altre forme espressive quali grafica, visiva, rap, street art e altre forme di comunicazione che vanno ad aggiungersi a quelle dedicate ai video social media ai cortometraggi.

Oan van ziln van Bersntoler Kulturinstitut is za örbetet ver za derhöltnt ont za gem bërt en de kultur, en de prach ont en de sproch va de inser gamoa'schöft. A mittl ver za baitern aus der prach van bersntolerisch ist der konkurs „Drai konkursn ver a sproch“. S ist a bail as inser Institut organisiert en ont lont inn de lait za nemmen toal ont jor ver jor suacht men za gea' enkeing en naia virm va kunst ont va kultur. Zan paispil, der bando ver en 2023 hót a groasa naicket pet a sezion ver öndra ausdruckvirm, abia grafikkunst, schuabérkn, rap, stroskurst.

Sechber iaz abia as ist organisiart der konkurs ont de doi naicket. Za song de borat, der konkurs baretn drai, nöt oan: „Schualer ont student“, „Filmer“ ont „Schrift“.

Der earste as ist kemmen organisiart, ist der „Schualer ont student“. S ist an konkurs ver jungen as bellv verörbetn an untersuacht ont en tema as keart um en de sprochminderhaitn ont en de temen va de autonomi, va de kultur ont va de sproch oder va de bëlt va hait. En

konkurs meing toalnemmen lai jungen as hom finz as 29 jor. Der konkurs ist toalt en meerer kategorien: „Schualer“ -as kemmen toalt en zboa: schualer va de earste- ont schauler va de zboateschal- ont „Studentin“ -as saï' as toalt en schualer finz en de 17 jor ont studentin pet mear va 17 jor.

„Filmer“ ist an konkurs ver kurza filmen en bersntolerisch. De toalnemmer meing ogem nöt mear as a saï'nega örbet ont oa'na gamöcht en grupp. De temen de gschicht, de prach, de kultur ont de umbelt va de bersntoler gamo'a'schöft, ont/ oder va de saï' löntschoft.

Der konkurs ist toalt en drai sezionen: Video social media, Kurzfilm ont de naicket va haier, de sezion „Öndra ausdruckvirm“.

Ver de earste sezion, de örbetn mias tauern nöt mear as 2 minutn ont olla de tekstn onttiln, untertiteln oder titln za leistn miasn sai as bersntolerisch. De dialong ont/oder de stimmen as lesn, miasn aa saï olla lai as bersntolerisch.

De zweite sezion ist de „Kurzfilm“: De örbet as ogem kemmen miasn tauern zbschn de 5 ont de 15 Minutn ont s sèll as kimmt tsöck en film, de wrong en de lait ont de tekstn miasn sai ver nöt minder as 70% en bersntolerisch. De naicket ist de dritte sezion, de sèll van öndra ausdruckvirm ver öndra örbetn abia grafikkunst, schuabérkn, rap, stroskurst ont an iatn öndern mittoalvurm ont vourstell va de realtà oder va de fantasi.

Der dritte konkurs ist der „Schrift“ as ist an konkurs va gschichtn ont va poesie. Der

konkurs ist tsbunnen ver lait as hom hom schoa' gamöcht de 18 jor. De örbetn miasn kemmen tschrim en bersntolerisch ont de meing saï' an fèckst en prosa, lönk va de 4.000 as de 12.000 drick oder a poesia, en rima aa, ober nöt mear as drai en gönzn. Der tema as holtet zömm de drai konkursn ist de sproch, de inser sproch, as mias pracht kemmen en olla de örbetn paroatn van toalnemmer.

Ont iaz de regln as giltn ver olla de drai konkursn. S toalnemmer en de konkursn ist umensis ont olla de sèlln as saï' enteressiert meing se innschraim. En de konkursn kemmen nöt u'ganomen örbetn as schoa' gadrukt oder as schoa' aausgem kemmen saï' as an iatn vurm.

An iatn toalnemmer könn nöt mear as an örbet ver an iatn konkurs ogem ot de örbetn meing gamöcht kemmen van an mensch aloa' oder zömm va mearer lait.

De zaitn ver za nemmen toal en nai bando ist laischar garift: de toalnemmer hom zait finz as de 30 van merz ver za nemmen toal ont za gem o de örbetn. De örbetn miasn tröng oder pet de post tschickt kemmen en Bersntoler Kulturinstitut voor de 31 van merz 2023.

S hót a Praisgericht va drai lait ver an iatn konkurs as schauk aus de örbetn ont as gem aus de pris. Olla de informazionen as bando saï' en internet, as de sait van Bersntoler Kulturinstitut www.bersntol.it. En olla de sèlln as barn toalnemmen, bintscher va hérz "Guata örbet!"

LORENZA GROFF

Der dokument ist kemmen vourstell en de lait

## De jorrelazion va de Autoritet ver de sprochminderhaitn

Si è tenuta a Trento lo scorso 30 settembre presso la Sala Rosa di Palazzo Trentini la presentazione della relazione annuale dell'Autorità per le Minoranze linguistiche. L'organismo, incardinato presso il Consiglio provinciale con una nomina di durata settennale, ha visto nel maggio dello scorso anno la rielezione dei suoi membri e pertanto quella 2021 è la prima relazione presentata in questo recente mandato. L'Autorità è ora guidata dalla ladina Katia Vasselai e ne fanno anche parte Chiara Pallaoro, in rappresentanza della comunità möchena, e Matteo Nicolussi Castellan, in rappresentanza della comunità cimbra. Introdotta con legge provinciale nel 2008, l'Autorità è un organo collegiale che esercita poteri di valutazione, di vigilanza e di ispezione per la corretta attuazione della normativa in materia di tutela e promozione delle minoranze linguistiche, svolge attività consultiva e di segnalazione agli enti competenti e alle comunità ai fini della definizione, del recepimento e dell'attuazione della normativa vigente in materia di minoranze linguistiche, vigila sulla destinazione delle risorse stanziate dagli enti pubblici a favore delle minoranze linguistiche e valuta l'efficacia e la congruità delle misure attuate, esprime parere al difensore civico relativamente agli atti o ai procedimenti che incidono su posizioni giuridiche connesse alla tutela e promozione delle minoranze linguistiche, presenta annualmente al Consiglio provinciale una relazione sulla valutazione complessiva delle politiche, delle attività e degli interventi per la promozione e la tutela delle popolazioni di minoranza.



Istratt PAT


En vraita as de 30 van leistagest de Autoritet ver de sprochminderhaitn hót vourstell en de lait de Relazion van 2021. S ist de earste relazion as kimmp gamöcht van doi orgl as ist kemmen gabellt en 2021. De Autoritet ist an orgl as ist vourtsechen en Provinzlgasetz 6 van 2008 as de sprochminderhaitn. De mittoal saï' drai ont de autoritet hót sitz kan Provinzialrot. De na'm kemmen gabellt van Provinzialrot, pet a mearheit va zboa drittli van konsiliar ont saï' auskennlait pet sozial-, kultural- ont gasetzkompetenz. De autoritet tauert sim jor ont de mittoal meing nöt bider u'ganomen kemmen. Der komitat schauk drau ont kontrolliart ölls sèll as kimmp gamöcht en tema van sprochminderhaitn, abia as kimmp pracht s gasetz, de politik as de sproch ont as de kultur ont de projektn as gem bërt en de inser gamoa'schöftn ont de gip rottn en Difensore civico afn tema van sprochminderhaitn. De mias aa tröng de wrong va de gamoa'schöft en de omti ont en provinz. De mittoal va de autoritet meing nöt saï': president va de Region oder va de Provinz oder regional- ont provinzalkonsiliar, pirgermoaster, asesor oder gamoa'konsiliar, president oder amministrator va öllgamo'a'omtn, fondazion oder gasellschöftn, u'stellt va de Provinz, van Provinzialrot, va de Region, van Regionalrot ont van Tolgamo'a'schöftn va de inser Provinz. De earste Autoritet ist en 2014 u'ganomen kemmen ont de zboate en 2021. De mittoal saï' Katia Vasselai, as ist de presidenten, Matteo Nicolussi Castellan, derstell va de gamoa'schöft va Lusérn ont Chiara Pallaoro, derstell va de gamoa'schöft van Bersntol.

En 2021 de Autoritet hót gamöcht drai tréffen ver a pakemmen de drai sprochminderhaitn : der earste hót se gahölt en Palai, an öndern ka Lusérn ont döra en Val di Fassa. Döra hót se organisiart an tréff pet an iata tolgamo'a'schöft. En doi tréffen saï' aauskemmen de problemen ont de temen as saï' de kröft van inser gamoa'schöftn.

De relazion paschraip ölls sèll as ist kemmen gamöcht ont organisiart as tema van sprochminderhaitn ont ver za gem bërt en de kultur ont en de lokal sproch. Men paschraip aa de projektn ont de problemen va de schual ont van lont ont de datn van zeil van lait van 2021. Zan leistn de Autoritet sok as schitzn ont gem bërt en de inser sproch ist an tema as keart um nöt lai en de kultur ont en de sproch, ober as hót za tea' pet öndra temen abia de schual, de öllgamo'a'amministratzion, de ekonomi ont ölls sèll as keart um en lem van lait. De sèlln as saï' enteressiert za lesn de relazion, meing sa vinnen en internet as de sait va de Provinz.

PALAI : ZUAZOL VER DE SÈLLN AS GEA' AUS ZA ÖRBETN

## De vrog mias ogem kemmen vour de 28 van doi mu'net



De Gamoa' va Palai hót ausgaleik a nochricht ver de sèlln as lem en de gamoa' ont as as gea' za örbet pet en auto oder pet an öndern mittl en an öndra gamoa'. S ist an vurm ver za gea' enkeing en sèll as mias vil ausgem ver za gea' za örbetn ont ver za hélven en za plaim en saï' dorf.

Mer mu ausvilln ont trong der modell en de Gamoa' finz as de 28 van doi mu'net. De örbeter as meing ogem de vrog mias örbetn abia u'stellt, der sitz va de örbet mias saï' mear as zeichen kilometer vèrr ont de vrog mias kemmen ogem vour de zaitn as saï' kemmen ausgaleik va de amministratzion. De Gamoa' mu kontrolliarn benn as sèll as ist en de vorg bor ist.

Der gamoa'omt ist offet van ma'ta finz en pfinsta va um öchta ont a hòlbs finz za mitto ont a hòlbs ont der vraitza finz za mitto. Öndra informazionen meing vinnen kemmen en internet as de sait van Alobolematico. Semm ist der modell ont der gamoa'verregli pet olla de regln.

LORENZA GROFF